

# ՆԵՐՔԻՆ ՏԵՍՈՒԹԻՒՆ

ԱՄԱԶԳԱՅԻՆ ՄԵՄ ՏՕՆԸ ՕՇԱԿԱՆՈՒՄ ԵՒ  
ԷԶՄԻԱՄՆՈՒՄ

(Սեփ. հեռագիր)

Էջմիածին, 15 հոկտեմբերի

Հայ տպագրութեան 400 ամեակի և հայ տառերի գիւտի 1500-ամեակի տօնակատարութիւնը կրում էր հանդիսաւոր բնոյթ:

Ամենայն Հայոց Կաթողիկոս Գէորգ V-ը, միաբանները և պատգամաւորները շաբաթօրը, հոկտեմբերի 13-ին, գնացին Սշական, ուր և գտնվում է ս. Մեսրոպի գերեզմանը:

Հանդիսաւոր պատարագից յետոյ 3000-ից աւելի ժողովրդի ներկայութեամբ բացօդեայ կատարվեց տօնահանդէսը:

Կաթողիկոս Գէորգ V բացված համարելով համազգային մեծ տօնի յօբելիանը՝ բացատրեց Մեսրոպի գիւտի ունեցած ազդեցութիւնը հայերի կուլտուրական զարգացման վրա:

Ճառեր խօսեցին Կանայեան, Ալ. Քալանթար, Թորոսեան:

Սշականցիները կողմից հանդիսականները հիւրասիրվեցին նախաճաշով: Կենացներ առաջարկվեցին Հ. Առաքելեանի, Ե. Շահազիզի, Կարապետ եպիսկոպոսի, Մաքսուտեան վարդապետի, Ստ. Մալխասեանցի, Մանգակունի քահանայի և Այվատեան արքեպիսկոպոսի կողմից:

Կիրակի, հոկտեմբերի 14-ին, էջմիածնում կատարվեց հանդիսաւոր հոգեհանգիստ գրի և տպագրութեան հանգուցեալ վաստակաւորների յիշատակին: Իսկ այդ օրը երեկոյեան Գէորգեան ճեմարանում աեղի ունեցաւ գրական երեկոյթ Կաթողիկոսի ներկայութեամբ: Երեկոյթից յետոյ տրվեց ընթրիք:

Ստացված են բազմաթիւ շնորհաւորական հեռագիրներ զանազան քաղաքներից և հիմնարկութիւններից:

Դպրոցական ֆօնդի օգտին էջմիածինը նուիրարբերել է 15,000 ռուբլի:

Սզազադեան